

QVÆSTIO MEDICA

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM DIE JOVIS V. JANUARIJ.

M. PETRO YON Doctore Medico, Præside.

An senectus ætas plena malis?

OMNIUM ætatum ut diversa temperies, sic ad morbos aut sanitatem, morum probitatem, aut prauitatem fors inæqualis. Quæ ad corporis functiones omnes expromendas inculpatè, gestiones animæ quasque obeundas, instructa probè, ea plena bonis; quæ varijs morborum procellis faciliè jactatur, prauis affectibus deformis fuerit, ea plena malis. Ex duabus partibus animâ & corpore coalescit homo, quarum vnionis modus ex ijs vnum est, ad quod cæcitus in hac humana caligine, & cujus inquisitio ingenij est morosi, aut nimium satagentis, partium harum altera si quid mali patiatur, alteram trahit in confortium; ambæ si laborent, malorum accedit cumulus, & ætas redditur morti simillima, fortè deterior.

SENECTUS ætatum omnium frigidissima siccissima, nullâ est eluctabilis arte, nullis arceri potest pelliculis, siue ab annorum decursu, siue ab eo processu, qui est ad siccitatem furim obrepit, siue ab externis veniat properata caulis. Ea tot malis quasi naturali satellitio stipatur, vt à sene haud sit querendum quid valeat sed vbi doleat: huic enim canum caput, facies arata rugis, gingiuarum dentibus exarmata, balbuties, languens appetentia, imperfecta coctio quæuis, largus excrementorum prouentus, & tremor effecto corpore laxa cutis, motus instabiles, molesta spiratio, desillationes, tusses, morbi omnis generis, quorum nec crisis perfecta sperari potest, nec abcessus salutaris, sensus hebetes, ad res omnes elanguescens ingenium, morum ineptia, senex cum extemplo est nec sapit, nec sentit.

HOMINIS anima a deo, nullo intermedio, vel sequestro creatur, finem habitura nullum, principium quamvis habuerit, nisi quod nutu creata, nutu quoque queat dissolui, deo si libuerit auctori, at libuit ne libèret, voluit vt noller. Cælestis ipsa ac prope diuina. Licet vna, multa diuersaque facit, & præter aliarum formarum leges, sæpè contraria. Ipsa sua præ naturâ sibi seruit, sibi imperat à corpore si semel absoluat, huic implicita, & ejus inclusa compagibus, innato calore vitur vt instrumento, ad suas omnes functiones obeundas, & temperamentum sibi constituit, aut à conditore sibi constitutum comparat ad vsum sui domicilij: Utriusque ope cor mouet, coquit in ventriculo, recoquit in jecore, digerit in membra, mutat in corpus, sufficit, vnit, instaurat, redintegrat: quin & per partes officiales, & administras rerum recipit impressiones, & fit talis quales fuerint illæ, sic in tenebris pauent melancholici, quia spiritus atrii non anima, neque mens ægrotat, cum dolorem, quo cruciamur, non sentimus.

FRUSTRA morborum & morum causas syderum virtuti tribuas, quæ temperamenta pingant oculis qualitatibus, cum non solum ad virtutes & vitia, morbos & sanitatem, sed ad quasvis artes alios alijs propensiores efficiat calor innatus, & ipse nemini notus quatuor primorum corporum modis. Anima licet possit corpus mouere sine spiritibus, cum materiâ tamen re tam vili conjuncta, sine adimiculis accidentium, & præsidio, fungi nequit suis officijs, vt quæ accidentia ejus ingressuræ fuerint apparatus, post modum acceptis ab ipsa nouis legibus, interpolentur, & siant ejus instrumenta, sic mediocris calor qui ex iusta primordiorum exurgit confusione, sanitatem seruat, arceat morbos aut sanat, mores effingit inculpatos, vim & effectiorem roborat omnem, ejus exuperantia vel defectus sanitatem euertit, morbos accersit, mores deprauat, aut reddit stolidos, hinc celeri concitatioque animo & corpore plures, alij tardo & hebeti, his lætitiæ & hilaritatis omnia plena, illis tristitiæ & mororis, his sensus obtusi & pingues, illis veloces & expediti, hi morbis aut nullis, aut paucis, iisque lenioribus tentantur, illi toti sunt à natura morbi, & vix vllum vel leuem queunt sustinere.

SENECTUS quæ lenta mors dicenda magis quam ætas, omnia carptim vellitque deteritque comoda vitæ, corporis epotat succos, animique vigorem hebetat, igniculum vitæ autorem aquei humoris affusione suffocat paulatim, pinguem & oleosum hujus nutritium liquorem exhaurit, spiritus naturales & paucos suppeditat & crassiores, vitales adimit, animales obumbrat, & reddit caliginosos, vnde coctiones omnes deteriores, excrementorum prouentus vberior & morborum penè omnium manant semina; hinc senum una cum corpore torpent consilia, hinc timiditas & diffidentia, auaritia; hinc senes nec secundis rebus quies, nec aduersarum patientes, & memoriâ magis præteritorum, quam spe futurorum viuentes, queruli, morosi, loquaces, argutuli, vtilitatis magis quam honestatis studiosi, miseram quippe ad senectam tanquam ad officinam quandam mala vniuersa consunt mortalium.

Ergo senectus ætas plena malis?



DOMINI DOCTORES DISPVTATVRI.

M. Guillelmus Lamy.
M. Petrus Yon. Præses.
M. Antonius de Saint Ton.

M. Egidius le Bel.
M. Abrahamus Theuart.
M. Nicolaus Lienard.

M. Stephanus le Gaigneur.
M. Petrus Bourdelos.
M. Carolus le Breton.

Proponebat Lutetiæ GERMANUS PREAUX, Parisinus, A. R. S. H. MDCLXXIII.